



江蘇省地方志編纂委員會辦公室 編

江蘇歷代方志全書

31



江蘇省地方志編纂委員會辦公室編



鳳凰出版社

江蘇歷代方志全書

31

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462
出版社地址 南京市中央路165號, 郵編:210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編:211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話:0514-87969255)

康熙吳縣志(二)



(清)

吳愚公 修
孫珮 纂

第三十一册目錄

康熙吳縣志 (二)		〇〇一
乾隆吳縣志 (一)		三一

吳縣志卷之三十五

僧坊三〇郊外庵院

諸寺而外若院若庵郊原山谷間所在皆是志不勝載也止取著名者書之

明因禪院 在橫山下即薦福山慈惠院宋景祐間僧瑠玢建照寧開僧惟廣修今廢

白雲禪院 在閶門外宋慶曆間范文正仲淹奏即天年徐太僕元正鼎新崇禎間僧海定修

鳳翔禪院 在老鶴石園

祇園庵 在閶門南濠內宋景定間僧居祐建元廢僧寂遠重建明成化初僧翻承瑞修萬曆間祀天台淨法師傳法處

金山庵 在南濠明正統十二年僧廣傳建弘治三年僧大德修萬曆初僧垣默修萬曆七年僧慈德建

楊循吉南濠金山下院記

地之淨垢起乎人心由一人發一淨心故能使垢境湧為淨坊是故居人沾其福遊遊客資其勝則茲院是也始吾境有佛之象魚肉食貨利焉莫聞慈悲之梵音與瞻妙嚴之瑞相也傳者本以力備能依大覺一念之淨起十方之地成遂以正親丁卯創有茲院始則荒墟數弓上作圓通大士之室而前隘後逼莫克寢處乃盡收其地而作之寮舍臺榭留金院既成

無所於屬聞金山萬峯禪師玄風特茂四眾趨傳擇蔭乎祇樹求茫乎法幢持院跡詣知寺昂公獻諸禪師時其徒今典院德雲峯侍側器度偉秀謂之曰彼院在人境四事無憂吾觀爾貌豐碩可居之他日并為老僧建歸窆焉自是昂公下山營募則必以院為家飢則齋倦則休也而所引必雲峯與俱創廣堂三間嗣傳之續雲峯居久緣熟利養之資將與古刹侔焉屬昂公下世茶毘之餘乃返不壞之骨於院後作石塔傳年益老不視院務雲峯有弟子三人曰文俱俱字仲翼嘗從杜東原遊善書能詩亦閑禪觀傳

既謝緣西逝復塔於昂公之側成化癸巳眾舉雲峯知金山寺越三年厭名惡紛復旋於院以院事付仲翼專領焉余居邇院北二百步方外之交惟仲翼一人自少至今每家居之日必以此院為外齋及養病在告遊尤數至是院也左通市巷前面水田右帶溪流其遠秀則有望市之墩羅萬僧奴之墓類嶺類壑高松挺特茂樹掩映野徑交錯雜乎田間若城郭外如此境宜在艱值之數不知惟吾之獨得歟不知人盡以為然歟若未酬人事隨身倦憊困則挾一書徜徉緩步憂解愠釋使路人遇之者肩摩不讓混同於

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

吳縣志卷之三十五

野夫此我之因院以有遊也及門縉袍出迎談空論有供止一茗或解衣高臥憩息於匡牀主不貴禮客不貴款殆於兩忘此吾之至院而爲樂也若值食時則取具於家不煩院設故吾之遊無早暮院不拒焉至於納風於溪觀月於庭看霞於郊視雲於野把臂連袂無不與仲興俱盡其遊興既倦而歸則仲興必披衣相送東極平巷首西底乎王園予與仲興真稱法侶之骨肉無一字紀錄院跡失其厚薄矣况知顛末無如余又奚讓焉夫首之以傳之建著始也記其二塔志奉歿非私創也詳堂宇之績見作之難也叙

吳縣志

卷之三十五 僧坊

三

四百三十三

院之羣衆善德也昭院食之艱勸有力防侵蠹也述環院之境明其幽勝能助道芽也道我之所以遊彰愛其人也吾之記院蓋如此弘治庚戌十月望日

雲隱庵 在開門外元延祐間僧月潭建明永樂三年僧法湧重建中有法雨軒立雪堂山水嘉靖間修陸慶開僧竹鄰建焉

壽生庵 在開門外望墅墜元至正間僧道在建即華山寺下院明成化間僧德圖葺嘉靖間性月修後僧永休與徒萬融相繼拓之萬曆間僧真完葺崇禎元年僧性常修

劉鳳壽山庵興建記

壽山庵者爲余里中佛刹自昔元季創立以至於今其繼葺之者曰性月時則有萬鹿苑陸五臺王龍溪

諸公往來寓於是庵則其興緝也易又有王龍池林心泉前後爲守其接遇諸公禮甚殷則性月爰有憑焉自後住是庵者力不任前業頗墮僧永休自瑞光來竭力闢創其初棟宇卑小垣墉蔽密多設房櫺未有高軒崇達於是緣募諸長者選材庀工構立穹宇以爲佛殿而像設莊嚴旋有差第蓋未久卽世其徒萬融紹隆前緒內外聿新高潔爽朗融之功何其偉哉且今無名德若五臺輩於此流連則郡邑諸公亦不復知有茲庵里中父老惟知僧之戒行無虧悉心奉施率先從事烏可無記余因憶往者數至於庵而

吳縣志

卷之三十五 僧坊

四

四百三十三

性月能醫藥以治人患故博濟普惠開拓其址而始之逮今融亦不交於王公大人但禪寂以修無爲功之易集其感化則爾乎夫廢興時也墮成數也卽茲庵開建於元季嗣法者幾何人非不能綱紀其事之難而禪定之難故能證修於此庵者余未之聞今融旣與衆有緣則其能崇飾創造之也既有可紀以貽將來若乃於其躬之越三界而出萬有者則不足輕重於茲也黃檗曰有必速亡無必久長興必速廢廢不終窮天地雖變虛空獨常則斯庵之存爲余里中崇刹亦寄之真理而已哉

雲泉庵

在閭門外東虹橋側元至治間初明萬曆間天台信傳燈鼎新天啟間僧受益再葺

信心庵

在閭門外南臺上元至正間僧法聰建明成化間修

貝葉庵

亦名雲泉庵在白蓮溪慶寺後內有古井名雲泉元至正間僧弘道明隆慶間僧集休

建萬曆間僧集休開講於此葺垣得磬有陸龜蒙時

貝葉添新藏明棟松枝護小泉之句更名貝葉禪院天

啟開僧培風淨修於此崇禎間僧

煥源修本朝康熙間僧普請葺

幻住庵

在閭門外馬蕩村元大德四年中峯禪師明大建初師至吳喜其地名與馬蕩山合遂結草庵

於此趙孟頫親為運甓題其額曰棲雲其後別創精舍

改今名明洪武中重建萬曆初廢崇禎八年僧通在重

建迎天章寄雲師駐錫本朝順治十三年費隱師亦

慧庵中康熙五年金文通公之後延隆安山曉師居之

前後三師相繼宿此故以三柏

名庵又遷普同塔於東南高阜

釋明本幻住庵記

長原志

卷之二十一 僧塔

五

清淨本然云何忽生山河大地楞嚴有是語昔僧問

琅邪琅邪反是語以荅之僧頓悟玄旨人徒知山河

大地是幻而不知清淨本然亦幻也鏡光本淨物象

無狀而生水體元清月影不期而現原夫昭昭影像

所現之幻迹也澄澄水鏡能現之幻體也幻與幻盡

覺與覺空斯僧所以悟極也大德庚子余遊吳中檀

越陸德潤施松岡數畝於閭門西地曰馬蕩結茅以

棲禪者踵至僅半千指凡三見青黃絕際上人永中

與董庵務一日眾集請名其庵因謂眾曰二千年外

大覺世尊棄王位臥深雪夜睹明星與無邊有情同

時涉入如幻三昧嗟乎眾生追今沉酣情妄而不自

知我曹出家雖依此如幻三昧而住亦有所未悟者

宜以幻住名之可乎時有避席而言者曰承教有言

幻身滅故幻心亦滅幻心滅故幻塵亦滅幻塵滅故

幻滅亦滅幻滅滅故非幻不滅其不滅者是住乎非

住乎予曰子以識量分別欲知幻法是住非住無乃

增益幻見安有悟入之理也爾但能蘊無義語於識

藏以究其心捧應量器於檀門以正其命荷百文不

作不食之具以効其勞守諸祖萬慮冰消之誠以堅

其志一旦能所頓盡功用兩忘廓爾無依劃然超悟

長原志

卷之三十一 僧塔

六

則是住非住政不待借手於無臂之人也越十八年

歲丁巳中忽相值於吳淞江之舟中從容敘舊亟請

筆以為幻住庵記擬相傳於久遠云爾

高啟宿幻住棲雲堂

窻白鳥聲曉殘鐘渡溪水此時幽夢迴獨在空山裏

松巖留佛燈葉地響僧履余心方正寂無使群動起

姚廣孝宿幻住草庵 二首

草庵寂寂住城西寒夜重來落舊棲譙鼓無聲更漏

承滿林殘月聽烏啼

一燈長夜佛前明庭樹枝多宿鳥爭野外霜寒人未

起林僧肅肅又經行

竹影庵在閶門外明洪武間賜葵隱上房可久爲葵傍香火立初名報親弘治中楊禮部循吉修萬曆

開僧如聖再修改各竹

龍樹庵在閶門外白蓮涇南包家墩即古文殊庵故址明萬曆間雲棲僧廣傳建周忠介公順昌以老

樹拒門如龍

周順昌龍樹庵放生池記

放生爲佛法一門實衆德根本古德開導不啻已詳近則獨甚於雲棲龍樹庵傳公固雲棲之所傳衣也戒律精虔一秉雲棲之教庵在白蓮涇寬廣不盈數畝而有法堂以供佛有禪堂以安僧有普同塔以厝

吳縣志 卷之三十五 僧坊

闍毘之衆骨其環庵如帶則皆放生池也余暇日與文文起朱德升過之欽其嚴淨見池之右有田畝許頗爲池礙詢之爲公家義田不可以售惟同區者得相轉移而里中殷汝良田適在跬步間因勸汝良施之聞於邑宰易之傳公墓檀施吳經等捐貲鑿之而池觀遂完先生亦日繁傳公向余稽首日茲庵創於萬曆丁未卽以放生爲願迄於今而未圓滿也以三寶之加被宰官之賜遂能竟此無上功德宰官固善因夙植冥修默證生生世世以有今茲抑貧納竊有所進於宰官也身爲比丘息心靜行度不能有所普度

於世而自私自了諸佛所呵故動念必求利生利生

必先不殺不殺之細而實者無如放生蓋力不能及

人而姑及於物則惟比丘之行若夫宰官寸念之發

生生無限其所生者豈惟蚰蜥蠹動卽其所謂生者

亦豈必相濡相沫爲沾沾之小仁小惠已哉應以宰

官身得度者卽現宰官身而爲說法倘宰官之生生

而猶夫比丘之生生恐非圓通第一矣且今者比丘

之生生非宰官不成則知宰官能攝比丘行而宰官

生生之念非比丘不觸比丘又能攝宰官行矣然比

丘有願十餘年不能成就而成就於宰官之一念願

力孰宏成就孰捷凡爲宰官者尚其冥修默證無負

此圓通矣乎余恍然顧文起德升而歎曰儒者多排

釋氏以謂自私自了試證於傳公語云何故非傳公

不聞此語因書以爲記天啟元年正月旦

地藏庵在閶門外舊名資福庵元至元間僧本來建明正德間僧正覺增修萬曆間僧紹印重建崇禎

十四年僧玄化修

華嚴庵在閶門外宋宣和間僧昇大建明萬曆二

馬宕庵在閶門外馬宕村舊名懷敬庵元至正間僧宗

馬宕崇禎間再修

白雲庵在馬宕村明萬曆初僧自雲

創 本朝康熙間僧見心修

大慈庵 在開門外馬家村舊名觀音庵元至正間僧

建

鳳祥庵 在錦峯山昭明寺後宋

聞思庵 在開門外社稷壇北明

餘慶庵 在香門外懷香橋西北即古福慶庵宋咸淳間

慶崑山士人顧紹芳建準提殿助飯

衍慶庵 在懷香橋西南元至正間建明洪武間

穹窿庵 在香門外元至正

長生庵 在盤門外如京橋下宋景祐間建明

接待庵 在盤門外

吳縣志 卷之三十一 僧坊 九

青松庵 在盤門外懷橋南舊名清隱庵宋端平間僧法

時行題今額崇禎間建大殿堂閣 本

申用懋青松庵記

昔蘇子美云盤間間多高僧隱君子盤居城西南太

湖波光澄碧萬頃群峯攢翠環列屏障山水之所聚

也郭外吳門有巨橋虹臥逶迤而西不二里地名何

家搭兼葭蒼茫中望見高松亭亭鬱然深秀鐘磬鏗

鉤出松際者青松庵也庵之始故颯寂荒墟耳萬曆

丁亥有頭陀無住者拄錫依此誅茆結繩虔修苦行

誠感檀波開規茲庵先文定顏以青松繼無住者曰

松屏曰鑑池曰雪松相與膠力先後締淑白山門而

大殿兩廊廡翼然有序煥然有章殿後時傑閣左顧

新郭炊烟遙出樹杪右顧秦餘茶磨諸嶺翠黛橫波

齋堂禪室香積庖洞羅列鱗次幽邃精潔完矣美矣

若夫流水遶前嘉木周翳生烟流颺可陰可憇朝霞

暮靄色與佛燈交映農唱漁歌聲與梵唄相和此又

庵之景色所以甲於胥盤者也庵雖肇於無任實庀

於松屏成於鑑池雪松往松屏銳意興構阻以無年

鑑池現羅漢身說藥王法以三指禪拔人苦海遠近

爭信之錢刀不募而廣集皆浮屠氏之功臣耳頃雪

吳縣志 卷之三十五 僧坊

松慮後人之忘所始俾余為記因追先文定名庵之

意為廣其旨夫庵何依松而立松何托庵為名蓋松

姿朗秀似禪標松月清孤似禪寂松風閒冷似禪韻

松花簡澹似禪味聲氣所接幽結物外之契故古人

於禪利逞逞取意於松形諸題咏今宵松月下開闢

想安禪如蘿幌棲禪影松門聽梵音皆盛唐名句至

千株松下兩函經水在青天月在瓶又入宗門悟機

矣先文定固有所昉與今觀茲庵始從修持淨業忽

顯藥王之神通復以普濟功力滋廣薪燈之接受

如松之凝挺堅碩發為蒼葱鬱茂之色故能貞久不

傾而漸至陰物也更有說焉松以根幹爲因枝葉爲

果庵以出世而行度世法者根幹立也以度世而證

出世果者枝葉茂也昔謝偃之品松曰香有四飛味

喻九轉因果圓通不分境界然則庵之以松得名者

松且藉庵以傳而庵與松不互爲因果乎自此青青

相傳燈燈嗣焰法雨所濡匝地瀾天安見一車輪地

不含數百繇句也耶無任名源靜松屏名覺滄鑑池

名海珠孫本瑞是爲雪松上人崇禎戊寅端陽日

圓照庵在門外丁家巷元至正元年僧性得建

三乘庵在馬蕩村明洪武初神僧曇芳創

吳興志卷之三十五 僧坊

鏡水庵在馬宕村即古寶覺庵元至正間創明萬曆間重建

真如庵在縣西南三十里宋咸平二年僧妙禪建

雪庵在馬宕村舊名八百竹以地名修篁故名明崇禎二年神僧聽石重建僧號雪崖故以雪名庵

淨明庵在馬蕩村魏家莊明天啟間僧虛白建

慈壽庵在門外本朝順治九年僧慧公建奉節母鈕氏梵修於此故名

文林庵在馬宕村明隆慶二年僧雲修創本朝順治間僧德雲修

淨業庵在馬宕村明隆慶二年僧雲修創本朝順治三年僧道先葺

華雨庵在馬蕩村明萬曆三十八年僧大渡建

大悲庵在馬蕩村明萬曆間建內有睡宮像設重帳僧早間供盆水洗其面以被覆之婦女祈嗣者羣往燒香實係淫祠本朝康熙二十五年巡撫都御史湯斌檄府焚其像

慧文庵在連華峯西南明萬曆乙卯慧慶寺僧紹中建庵有沉香普賢像周忠介公順昌所造

通濟庵在支剎山

懷敬庵在支剎山

道林庵在支剎山

寂鑑庵在華山天池元至正間僧在建內有石殿石佛目神僧普惠

駐錫重建

釋克新天池寂鑑禪庵記此文舊志誤入華山寺

距蘇城西一舍皆山五峯環峙者曰華山峯之趾有

泉泓然曰天池大旱不涸池北爲寂鑑禪庵沙門在

公環菴所翬者以至正丁酉避兵來愛其地而賢首

吳興志卷之三十五 僧坊

師別聞聰公施財因巖爲屋以居道侶再募衆資作

石殿三間就石肖釋迦藥師彌陀像其菩薩侍衛之

神與供養之具皆石爲之又琢石爲五十三叅於山

門左右壁彙石作外門門上爲重屋夜真膏火其中

內天燈樓磨崖刻三十五佛名鑿池左右立石爲彌

勒彌陀而屋焉署曰堯率宮極樂園前樹梵塔對峙

巋然他及禪誦之室庖湍之所賓客之館咸具如式

既成而在以基地爲大覺寺業爲未備今年大覺以

致閭號山五十畝售在在偕其徒善澤傾囊買之請

書其事於石昭示來者按山舊記劉宋時爲會稽太

守張裕私第，佛甚謹，因供羅漢而池有千葉青蓮花之異。復有鏡法師於此著書曰法華玄義行世。趙宋乾道間，為張書監別墅，有亭，館曰浮槎望湖。滌煩釣灘者十餘所，造圓通像於蒼玉洞，又肖已像侍焉。由是山名益著，以降而寂寥者二百年。今環庵於兵戈擾攘之際，荆榛莽蒼之中，不數年化成蘭若。非夙乘願力，曠克如是耶？所謂前身身後，身未可知也。開基日，方舉一石，則泉隨石而湧，灝之可給數百人。其有以夫環庵名道在京口人，得度於普應國師中峯。本公師事，既遠，遂升堂，與所至士民向化，嘗築庵武

吳縣志

卷之三十五 僧坊

三

康之上柏丹陽之環溪二邑之人，追今思之行年七十有七，精力強健，可喜，故樂為書之。

文殊庵

在金山東嶺，以獅子山相對，故名。亦金山寺元至正間僧時蔚建。本朝順治十六年修建。

為白馬下院

海雲庵

在穹窿山北麓，梁天監中建。唐神師貫休復創。賜額萬壽寺。熙寧間僧性海建明洪武間姚恭靖廣孝為僧時退居內有連理山茶，隆慶間尚存。後廢。本朝順治十二年僧募建。

姚廣孝秋日重游海雲精舍

八首

昔年曾駐錫，此地喜重遊。樹影兼雲合，蟬聲帶雨收。欄循松下砌，峯遶竹邊樓。到後嗟難偶，吟踪去復留。巖樓還傍場，復嶺自層層。叩戶頻來仰，等蹤每到僧。

吳縣志

卷之三十五 僧坊

四

苔深終隱梵，樹老尚懸藤。但可行吟處，題詩寄我曾。林屋深藏密，盤盤石徑斜。過樵驚睡犬，迴牧亂鳴鴉。垣碧蘿攢葉，籬紅槿綴花。到時須放浪，莫問是他家。迢遞青村外，崎嶇紫邏間。過林才見日，到渡不逢山。一室依巖險，雙扉傍竹閒。曾看雲際鶴，向暮獨飛還。勝處初遊日，長疑別有天。樓開扉納月，庖接甕通泉。鐘散群峯外，禽回雙樹邊。也知宜眺望，不獨可安禪。地遠塵難到，人家牛隔溪。放船還候磬，起曉却憑鷄。雲度隨山竅，泉行趁澗低。被叢尋薜壁，更為刻新題。一逕通林遠，時聞長者來。水光搖定室，松影落香臺。

吳寬海雲庵觀連理山茶

奉慈山茶好，標格花開如杯。呈玉色，海雲山茶更奇。絕奇處，不論紅與白，兩株並植。東軒前翠葉如屏，遮几席。枝柯一一相交，加為是同根。恐分析初疑一人。獨叉手忽作兩人，仍促膝少焉。掉臂裁跬步，又獨控拳。當肘腋，碧玉磨沙成玦，環青絲絢索分微，纏我來庭除。稍摩挲，引此青蛇受毒螫，試量旁餘得三圍。每



掃落花凡一石風霜飽歷三百年未識何人手中植

尋常繞樹多詩客階下莓苔留古迹河中曾辱昌黎

文西蜀休誇孔明拍世間大樹儘有之似此山茶何

處得

西資庵在吳山西唐大曆中建宋紹興八年禪僧皎然

本朝順治八年僧素開葺

皇駕庵在穹窿山相傳明初有僧隱於此建文帝曾過而憩焉崇禎間僧戒宣重建

釋濟曇咏皇駕庵

駕幸空山後仁風轉壑春不筠成鳳尾是木化龍鱗

御氣凝清古芳濤和佛新懸知遺德在雲物尚存淳

吳縣志 卷之三十五 僧坊

積翠庵在穹窿山宋咸祐間創明萬曆間里人重建未久傾圮僧擴南重構

微笑庵在穹窿山明崇禎十四年僧濟範建以寺後寺建拈花殿此為微笑以示相承之意

雙松庵在穹窿山有宋植松二株元至正間僧寂當建明嘉靖間圯萬曆間僧隱空重建

釋濟曇咏雙松

試問山門境何年植二松風霜凌色古琥珀抱根濃

正直應難繫崢嶸不待封想因雷雨甚一本已為龍

感德庵在雙橋下舊名般若庵其左有放生河元延祐間僧大誠建明萬曆四十四年僧大偉修

興福庵在橫塘之左宋紹興中徐文秀建文呂明

迎福庵在水濱迎駕河左宋咸淳間僧性悟建明洪武初歸併普賢寺萬曆間僧鏡如修本朝康熙

九年僧通竺重建更名古庵

清風庵在本鎮鎮宋治平間建明崇禎十二年僧性方修

法華庵在本鎮鎮明萬曆二

太平庵在本鎮鎮春道院

法雲庵在本鎮鎮崇禎橋東明

圓明庵在本鎮鎮西元泰定間僧道安

大聖庵在本鎮鎮

海會庵在高峯山南場晉支道林開山宋元祐間僧宗

凱宗號中興崇禎間僧智育鼎新

周圯海會庵記

吳為山水之國領其勝者則在具區焉蓋由三萬六

吳縣志 卷之三十一 僧坊

千頃烟波朝夕獻秀七十二峯佳境晴雨發奇闔閭

有國游觀郊甸悅阜峯南場土沃泉甘乃樹青李居

人因之名場至今稱為李木場焉場昔太湖東蕙而

漁歌不至樵唱莫聞而我道林禪師賞其闐寂結庵

於斯入關心六時課誦緇素相從者眾由是顏其

蘭若為海會也得非有其實乎即其庵而言之長林

深場負岡緣欄雲霞花竹蔽虧映帶精藍經像鐘磬

旛蓋之飾吹華燈香之供法所宜有者悉具然皆去

奢就儉化利為樸務從簡約裁足稱事朝誦夕梵禪

律並修於是儼然為一禪林矣乃謀刻石以著成績

傳示永久而以其詞屬焉吾聞之道林深於禪學制

行清苦不屑爲人師而人自宗之夫記者豈但識歲

月營繕而已固將以垂諸儆戒也則凡居於斯食於

斯者毋惑外誘母恬於佚以求乎佛建宗設教之本

精思玄覽内外交致庶幾無爲以極夫忘言自得之

妙則海會之傳雖欲弗永久惡得弗永久乎是爲記

寂焰庵

在橫金鎮宋咸淳間僧性遠建

真如庵

在橫金鎮吳元年僧法常建

淨居庵

在橫金鎮

見明庵

在下

身縣志

卷之三十五 僧坊

七

普焰庵

在姚市太湖濱宋淳熙間僧智實建

報德庵

在縣西十三里宋咸淳元年僧妙燈建明嘉靖間圯萬曆間僧寂傳重建蔡懋德記

順心庵

在吳山下宋福州同知陳嶼墓祭之所元僧明本開山

雲泉庵

在元末燬明永樂間再建天順間又燬萬曆初

惟正庵

在元末燬明永樂間再建天順間又燬萬曆初

幻住庵

在吳山南元峯普應本國師開山後廢本朝

寄心庵

在陽山南伏龍山麓宋初元末圯明萬曆二十

圖釋閣

性手筆長邑令李實題其端云真阿練若吳邑

令吳夢白進士陳震生跋其後藏之庵爲世守焉釋智

文從簡書

興福庵 在堯峯山西麓宋咸淳二年僧性澄建明正德

嗣成之崇禎初本輝建普同塔置田三百畝陳仁錫記

湯賓尹堯峯興福庵記

予以丁卯冬孟遊太湖東西兩洞庭山之末得堯峯

焉堯峯在橫山西去吳縣四十餘里予從木瀆易小

舫抵興福塘陳子元祿導予步而升刹宇觀整僧聚

森然禮迎者其名爲興福庵庵址在堯峯西麓山麓

至巔可數里稍昇上有庵曰露禪其前左偏有方池

二疊可半畝其東爲龍洞爲觀音巖龍洞者傑石巍

峙如闕石方之下平如席兩山環抱如左右垣太湖

尾橫匯其口烟雲吐納如喉鼻間呼吸子變異之不

身縣志

卷之三十五 僧坊

六

忍去問之則湛川海性禪師跌坐初基也師以獨身

離絕人境溽暑隆寒風號雪虐棲息洞中亦不知鉢

供所自來或時循乞下巖無與餉者還以膝指腹膜

坐如稿一日值田婦炊方熟持鉢長跼自晨之暮婦

勿顧明旦復踞其門姑若夫皆諄其婦鄰家爭餉師

堅弗受也曰必某孀子癸心親施又明日擬復踞其

門行未半饑蹶胸坎忽開恍悟積歲所參父母未生

前句義白是憤纒縱突當下絕塵滯而群英翹首老

宿降心遠邇之檀布輻集矣初初庵於龍洞之西曰

露禪佛堂僧舍色色徇羣可以居後人之參學者矣



已慮山顛跋涉接衆爲難卜築於麓復宗咸淳中所

稱興福庵者琳宮絳宇寶像亦龕與夫應接十方饌

需食勞需息疾需養一切齋庖休舍之類靡不完好

加於露禪等等予自露禪晚歸值其課誦魚板之清

潔梵唄之精謹威儀之恭至悉中法律生敬禮焉蓋

予周遊兩洞庭山水鴻麗樹木豐蔚聚族之富甲於

吳中獨禪刹率就衰圯卽包山翠峯雄兩山者亦覺

寂杳無光及至堯峯興福而法唱喁於佛寺之勝遂

爲耳目遊從第一恨兩山獨不得此終闕典爾予過

吳逢湛持太史誦贊湛川師道力曰一生受用龍洞

苦功已又曰惜師末年勤心佛事而簡忽已事子曰

已事佛事有以異乎莊嚴法象導引群生願天下人

一往奔詣盡得與於斯道師固謂人人是佛人人可

立地成佛與枯坐了悟孰多巢山淺堯舜深吾儒者

之教亦如是也庵首建自師其徒悟亮等精苦拓成

之陳子乳齋密行蓋儒而禪者從吳門伴子兩洞庭

送之東壩爲作堯峯山興福庵記授之

夢庵在堯峯山蒼陽徐通政使申墓側明萬曆四十五

孝隱庵在何山明萬曆二年僧朗然建舊名何山庵

玉泉庵在光福元至正

奉慈庵在鄧尉山宋靖國元年僧明新建庵故有養閑

南北中三區其南北俱廢止存其中明萬曆間竺峯曉

堂二僧重建庵有石鉢孟玉茶花牛欄泉凌碧松皆古

蹟也

吳寬奉慈庵

野寺堪迷暑登臨遠叩關林深長礙樹路轉又逢山

石鉢分中飯雲房借半間玉茶花落盡坐撫不知還

雪香庵在鄧尉山本朝康熙間崇明提

石壁窩在嵒嶺山巔窪然中虛方三畝許四壁如削高

建隆慶三年僧慈山復創王解登題今額天啟四年僧

性德修本朝順治十六年僧濟照居之康熙三年

里人塑佛像十

闕脚庵在玄墓山聖息寺左明崇禎十

蔡懋德闕脚庵記

鶴林玉露云有僧住山或謀攘之廼挂草鞋一雙於

方丈前題詩云方丈前頭挂草鞋流行坎止任安排

老僧脚底從來闕未必骷髏就此埋士大夫去就亦

當如此楊誠齋立朝時計料自京還家費貯篋鑰置

臥所戒家人不許市一物恐累歸擔日日若促裝者

又聞昔有京尹不携家唯做篋一擔每晨起則做帳

卷席食畢則洗鉢收箸以拄杖撐敞篋於廳事前嘗

若逆旅人將行故搏擊豪強拒絕宦寺悉無所畏子
謬涉世塗當以此語粘諸壁遇有方外交亦輒以此
進之悲明昭公向與予有同庵之約遠巡未就頃吾
年友鮑侍御構徑山別業蓋古德禪林昭公樂之虎
林諸門人復爲從吏將舍作袈裟地居未浹歲隣僧
有起而爭界者昭公不較曳杖卽日行還愁鄧尉聖
恩結茅寺傍卽以闕脚名庵而予爲之落成因歎曰
山河大地總是幻境非有非無何彼何此世間本無
障礙人自生蠶觸稍知學道者卽具達觀之識矧昭
公深於禪者乎生本邦江世肖辭朱門而投野寺人

吳縣志

卷之三十五

僧坊

主

所共總庵之若免彼佛廬之尺寸何足櫻其念慮此
闕脚之名殊合道妙尤憐余之素心請卽以是語爲

庵記

七寶泉庵

在十九都元延祐間僧
性願建七寶泉在焉

王汝玉七寶泉庵燕集

磴轉青巖斷泉歸綠寶深擷芳遵澗曲列席就蘿陰

野逕寒雲徹山昏日照沉酒酣情未極延賞洽幽心

崇福庵

在銅坑山梁大同三年宗善禪僧建後廢宋嘉
熙間僧祖昌復建本朝康熙間僧慈旭修

二楞庵

在鐵山相傳爲俊禪師所居
明天啟初講師通潤興復

松隱庵

在陽山西本朝康
熙二年禪僧上慧建

化城庵

在報恩寺西石壁峭立山泉下注
望之如雪作亭坡上顏曰千尺雪

法螺庵

在化城庵南庵有古梅一株世所罕有
光緒詩曰化城千尺雪法螺一枝梅允爲佳境

合流庵

在西龍池山泉合流于此出白
馬澗本朝康熙間僧超圓建

真際庵

在穹
窿山

吳縣志卷之三十五

僧坊

主

吳縣志卷之三十六

僧坊四〇湖中
寺院卷

具區勝景甲天下昔人云不遊洞庭不知山水高釋
每卓錫於茲若寺若院若菴歷代皆有興建不得不
詳爲之志

上方教寺在西洞庭山唐會昌六年僧道徹開山本名孤
園寺宋嘉泰間萬壽寺僧無證重建始改今額跨澗有
香花橋橋旁古松偃覆其上曰臥龍松正德間僧以田
荒逸去寺遂圯嘉靖二十九年知縣宋儀望勸錫荒糧
寺僧復至三十八年僧惠雨募建今廢

其縣志 卷之三十六 僧坊

僧淮海上方寺置田瞻記

具區爲東南之勝湖以頃者三萬六千山以名者七
十有二天光上下烟雲有無風帆出沒渺乎蓬嶠之
可到昔夫差留連於銷夏毛公棲遲於林屋蓋洞庭
絕佳處也草木葱蒨居民淳古業以漁釣藝植五峰
尤爲萃秀文岡蔓麓佛仙多依而廬孤園寺在其下
梁將軍吳猛所施盛時衆至無所容僧有厭憤闢者
陟上方別業數椽高明澄遠宜禪誦唐會昌六年也
厥後歲增月建成院乾淳間有無澄脩善師出自閩
徧參訪方遷基考室屹屹垂三十年所當有者畢具

嘉泰開禧無證再主萬壽衲子歸心信風傾向曇秀

上人復佩師道力於彈指間聳大樓閣於門庀奉血
書華嚴經乃師舊所業也上方之名始著師曰美哉
吾菴裘也微恒產曷能久安抖擻尚得千緡屈其徒
可任者曰元素糾壇立局置晦僅二百入租能倍之
香積旣充雲行水至平等無碍永香火於溪雲傳鐘
鼓於下界巍然穿堵無證不亾頂雲垂垂素亦老矣
念厥艱難庸詎來者請記余曰道非人不弘人非倉
不支行乞我法也當時已有過午飯况豫未兼并歟
吾病民者夥矣於乎井賦旣開病民非一端也今上

吳縣志 卷之三十六 僧坊

二

方營二頃田存千指衆安居而暇食五觀之餘罔或
逸豫盍思所以淑民者而去其所以病民者則素之
心可塞也若田鄉都比界備載於券予書其所序如
此西山之遊栩栩飛動尋香山之留詠訪角里之遺
迹穿幽透深窮高極遠他日尚能賦之

范成大上方寺留題

巖棹古鎖夏楮節新上方珠灣鎖圓折水鏡沉空荒
楓纈醉晴日橘黃明早霜閉門松竹徑隨處有清涼
張雨上方寺

楠林千黃金林盡路愈僻忽臨銷夏灣雲海浩如積